

福建府縣志輯

中國地方志集成

民國同安縣志  
乾隆馬巷廳志

**圖書在版編目(CIP)數據**

中國地方志集成·福建府縣志輯·4, 民國同安縣志、  
乾隆馬巷廳志 / 上海書店出版社編. - 上海: 上海書店  
出版社, 2000. 10  
ISBN 7-80622-424-6

I. 中... II. 上... III. ①地方志-中國②地方志-  
福建-同安縣③地方志-福建-馬巷廳 IV. K29

中國版本圖書館 CIP 數據核字 (2000) 第 27767 號

同安縣志弁言

縣志者曠方典之所自祖而亦即史學之緒餘也其體例有因有革獨至今日而言修志則雖因而實創也漢唐以後凡屬我國省府廳州縣莫不有志志也者以志地方之沿革風俗之轉移越千餘年無甚懸異此乃所謂因也泊乎清季物質文明之學倡自歐西日商務日郵政日電報日鐵路日武備日學堂日實業均與學術政治人心有遞嬗之關繫而運會之升降亦隨之孫中山先生憫我國世運之就衰謀所以救國救民者莫重於革命湖北倡義舉國風從又能使五千餘年之國體一轉而為民國明大儒黃梨洲嘗謂國權在民乃幸於近世革命家而實見之綜此四十年來盛衰之狀況時局之推移革命事功之發展以言修志乃創而非因也其從事革命工作十餘年如一日幸諸同志努力前驅風馳電掣至今夏而北伐告厥成功則革命時期復變而為訓政時期此後種種革新事業當以各地方之志書為參考近奉 國府命調閱以謀桑梓治安適同安縣長林學增以推促編纂縣志成為子言且問序於予余惟同安乃聲明文物之邦也宋元明清人材輩出甲於省會舉凡文章經濟理學宦績武功在在足以掄揚盛美惜乎舊志僅成於清嘉慶三年中斷

同安縣志

卷之首

至今垂一百三十餘年之久其間文殘獻闕在所不免然經縣長林學增之督促邑紳吳錫璋之博考羣書參訂中外風俗政教以總其成兼之吳紳煌樞周紳江達翁紳炳文黃紳華吳紳錫琮蘇紳萬靈王紳道堯許紳榮等相助為理而斯志遂燦然可觀其取而閱之其編訂大旨悉以綱常名教為宗而以近世之新潮流為輔者方括之圖繪緯候之測量與夫賦稅交通實業外交校制物產墾荒人物皆斟酌中外大勢以會其通而隨在足以感發我國人富圖強之興味則同安縣志之成固有賴而非因者其書紀載雖限於偏隅而世界之變遷政治禮教之軌範歷代人物之類錄大端畢具備一邑之志書可謂有關於世界革新之志書亦無不可也我閩省修志倡辦於民國四年屆今而告成者寥寥無幾此後簡量遠密或不免有晨星寥落之歎吾為此懼愈覺催促進行殊不容緩也林君學增能以此為當務之急而該邑碩學通儒尤能不畏繁雜參互考證以蔽其事其以其書分類至四十二門具有上下千古之識且於鄭成功開府思明仿春秋公在乾侯之例網羅遺民闡幽抉微以補舊志之缺遺深經術即報即賈之當代史學家諒亦莫發一詞用特泚筆序此以為當世之纂修邑乘者勸

中華民國十七年六月國民革命軍獨立第四師師長詔安張貞謹撰

同安縣志

卷之首

Blank page content for the second volume header.

司馬子長之作史也有本紀世家列傳以觀其人有書以觀其政有表以觀其成凡以究天地之際通古今之變而已班范而下體例固有變遷皆莫能逾越縣志之作仿自周禮邦國之志而後世之郡國志鄉土志其濫觴也雖無編年紀月之煩略得屬事比辭之要其體例旨趣大都取法龍門若顧氏炎武之天下郡國利病書則廣收天下志乘成案及名人著作就而錄之不立己見於天下之形勢沿革皆能瞭如指掌洋洋乎大觀矣而其實則積縣志以成省志積省志以成天下郡國志而已顧氏之書雖取資於省志然有待於縣志者固深且大也同安僻處海濱聲名文物之盛采風者語焉弗詳縣志之修遠在前清嘉慶三年而百餘年來船隻屢更撰述無聞矧民國肇興開數千年未有之局人心之趨向風俗之轉移嶄然一新無以詔之敗壞立見所謂究天地之際通古今之變者此其時耳吳瑞甫先生爲同邑宿學泰斗其肆力於縣志者易數寒暑固已卓然成章而縣長林君學增復能於兵馬倉皇驟斷倥偬之中與之下上其議論鈞提其玄要更增聘蘇黃王許諸先生以贊襄之汲汲皇皇然一若同邑山川之靈爽與夫先正之精誠日伺其旁而敦促之也者

同安縣志 卷之首 序二

卒使鴻編巨製一旦告成上以備國史之實錄下以立民志之大防林君其知所先務哉 忝列戎行奉 命駐茲土適逢其盛不敢不爲一言以誌私幸遂其體例之精審旨趣之深微林序言之甚詳不具述

中華民國十七年仲春之月國民革命軍獨立第四師第四團團長王澄濤撰於同安軍次

志書非史也然記土地人民政事亦即史之緒餘也第史不必有圖而志書必長於圖繪史必有褒貶而志書則重在實錄讀湖北山西各省志可知大概同安縣志自清嘉慶三年纂修後無聞焉昔之官斯土者但就舊志重築而於國計民生人心風俗之轉移並不效輪軒之探識者憐焉民國肇興於各地方之土宜風尚視爲當務之急湖北首先倡義其省志成立最早我閩省雖處海濱亦聲名文物之邦也省志局頒發志目十餘稔矣以地方多故進行滯滯察全省志書報成立者寥寥無幾歲丙寅十月 承乏邑宰即聞縣志已成十之八九以簿書缺奉未遑兼及送奉國民政府省政府疊次催促即向纂修處吳瑞甫先生索志稿閱之見其編纂概本省志目而體例之嚴謹則尤過之言緯候則度式必詳言沿革則原委畢具言關稅則痛言協定之非言外交則力陳條約不當及不收回裁判權之害言建築物產實業交通學校選舉務在策勵國民之自治精神與國民政府之整理內政外交諸舉畫若合符節若夫鄭成功開府思明有明之忠義悉歸之當時擬有金廈兩島在同邑人物最盛而皆明之遺老舊志以關於鼎革之事記載從略新志目三十七門從

同安縣志 卷之首 序三

未討論及之甚缺典也先生獨搜羅盡致以發潛德幽光而悉以思明州人物錄繫之夫成功以復明號召天下始終奉永歷正朔擊以思明州者即春秋公在乾侯之例亦即朱子綱目尊蜀漢爲正統之遺意也志書雖與正史不同而體例斟酌盡善自非長於史學者不能至於列傳尤未敢沿說襲謬獨從漢趙歧三輔錄之例最有卓見蓋國體既變更則志書體例亦當隨之而變易列傳以別於本紀也既無帝王本紀又安有所謂列傳本此以紀載人物亦庶幾準古酌今兩無遺憾抑 又有說焉同安武略開闢於許督而文化實始於謝脩蘇紳諸流自蘇正簡以經濟文章甲天下爲朱紫陽所推重許順之陳植又以理學品望師表羣倫大儒如魏了翁獨推闡之文學同安爲最越有明如蔡濟憲林次崖洪芳洲許鍾斗諸先生均卓卓可傳泊有清而身列帥府者至數十人武功之盛爲全省冠固已足擅藻揚芬增光史乘矣民國以來大中小學之設尤遍出於省會邑之人材後先輝映誠足令人歎慕所借吳君雖竭數年之心力猶未脫稿 因聘蘇紳萬靈黃紳華王紳道許紳榮等重行調查相助爲理仍由吳君負編纂全責而後此書乃底於成更請邑紳吳煥樞之品學兼優爲邑人士所宗尚者再加釐訂以示大公行見此志一出較之他

邑志當必有獨出冠時者予庸學無能每瀏覽此志覺同邑之官師人物風俗政  
教胡若列眉吁豈惟同邑然哉閩省多史才知必有較先生之苦心疏證尤為峻整  
者余不禁為之拭目以俟矣  
中華民國十七年孟春之月詔安林學增撰於同安縣公署

同安縣志 卷之首

序三

五

序四

昔趙輔有言志書非重孤之直邱明之核不以操觚故其文多可存今之志博雅不  
足其弊俾褒貶無當其弊安甚者狂心謾舌聚訟紛紜嗚呼修志豈易言哉我同志  
書迄清嘉慶三年屆今并無嗣響已垂百餘年於茲矣民國以來國體變更而省議  
會討論仍於縣志視為當務之急顧年湮代遠文獻無徵在所不免屢議修輯邑人  
士羣慮困難吳君瑞甫獨慨然任之歲癸亥余亦乏縣篆與邑紳商共謀治安適吳  
君編纂志書成囑余設校閱所以昭公允余因聘籍紳之品望學術足為邑推重者  
若翁紳炳文周紳江達吳紳錫琮共相釐訂缺者補之訛者正之而志書遂粲然大  
備余又以志書關一邑之文獻不可不慎重其事當持趙輔之說以質吳君吳君為  
予言以此書之成搜羅經史子集達數百家言皆有本蓋奉宣聖述而不作之訓也  
其間體例斟酌再三獨於列傳不敢遵省志目特從張煦王軒之說變傳為錄以正  
舊志沿訛襲謬之誤似較嚴謹蓋傳者釋經之名詞司馬遷惟有本紀故作列傳纂  
修志乘者並非史官縣志亦非國史自不能為人立傳康對山武功志為志書第一  
其於官師僅曰官師志於人物僅曰人物志而皆不名列傳即其例也況變傳為錄

同安縣志 卷之首

序四

六

附設立志書校閱所通告一則

竊謂探風問俗自古首重輶軒考獻徵文屆今端資邑乘邑自朱子大同集著已足  
衡匹史經亦起有明隆慶志成尤可比肩焉鄭清初康熙至嘉慶時代宋奇珍倡修  
於前吳鑰吳堂續修於後網羅繁富昇匠精嚴不涉武功之略已擅寧化之長後雖  
屢議重榮仍沿舊刻閱期間至一百廿五歲撫拾藝雜闕方里至三十六都圖搜羅  
匪易間雖黃家鼎增修馬巷只限一隅周芸皋會誌鷺江僅詳片島較前此事固有  
資博雅之儒沿革交通又特重識時之士茲幸編纂告成大端畢具開辦說開摩之  
方禮懷若谷神關拾遺之路公正為心本知事博徵舊乘延聘通儒編纂正簡之

勳名仰許鄉賢之軌範念自黃萬頃以文章擅譽紀許國以史學名家爾見代有傳人時多碩彥用特籲請有業共集腋以成裘并期各行所長定駕輕以就熟似伊川之補大學探賾不乏通才如東哲之補亡詩鑒銜定多特職業將纂修諸目職經於先並將缺略各門條陳於後備略皇覽勿貽榮觀之譏逸史語林當繼王劉之誤因採訪之未盡特分類以徵求倘體例有成幸期尋源而討本設備劉知幾之職必廣傳聞如具李延壽之才定多刪補遠代風文深虞荒蕪蕪編紛出尤慮濫竽應就正於國人特掬誠以相告

中華民國十三年一月十三日知事許榮通告

同安縣志

卷之首

序四

七

同安縣志

纂修姓氏

主修 同安縣長 林學增 前同安縣長 高梅仙 許榮

總纂 吳錫瑛

協修 蔡萬鐘 曾謝恩

分校 翁炳文 黃華 王道奎 顏其修 吳煥猷

阮培 王錫堯 吳錫琮

總校 吳煥樞 周江達 吳錫琮

書記 鄭子才 吳樹登

纂修 陳宗善 蔡秋濤 陳延香 洪鴻儒

採訪長 洪國器 陳錫嘯

採訪任分 陳延香 王道奎 倪炯 黃農 柯敏

陳宗河 黃華 陳國材 陳禮儀 陳宗器

許希仁 楊開甲 林輔龍 許宗宣 黃玉田

同安縣志

卷之首

纂修姓氏

八

宋逢源 葉止敬 陳福堂 朱成材 葉爾承

林從龍 陳世桓

義務採訪 郭有家 高峻 史敦亨 葉滯 吳觀濤

何敏 王錫堯 莊朝音 練鳳翔 汪玉堂

測繪任主 方括圖 城市圖 文廟圖 縣公署圖 公園圖

以上林向榮繪 縣學校平面圖

緯候繪測 暑候經緯度 氣候表 曹鼎恩繪

風溫變化圖 張洋洲繪 氣溫變化圖 張少璵繪

濕度變化圖 張少璵繪 雨量圖 張少璵繪

車路繪測 同美車路圖 同溪車路圖

校閱 陳士霖 周漢河 葉挺秀 葉兆年 翁瑞清

陳士衡 鄭冠英 陳偉 林雲龍 林懷璋

陳化育 楊生春 林培元 葉良玉 蘇正中

蘇達年 高開贊 郭馨元 洪清恩 辛離明



纂脩同安縣志引用書目

通志 職方典 十一朝東華錄 文獻通考 九朝紀事本末 大清國際條約 八閩通志 廣東通志 大清會典 五洲政治通考 閩書 江南通志 廣西通志 浙江通志 湖北省志 江西省志 山西省志 福建省志 太倉州志 撫州府志 蕪州府志 泉州府志 蘇州府志 上海縣志 蕭山志 永安邑志 達州志 慶州志 牛若麟志 莆田志 吳縣志 連江縣志 仙遊縣志 臺灣志 臺灣通史 鷺江志 廈門志 金門志 馬巷志 雍正志稿 吳堂邑志 明史 羣經彙解 海關稅務紀要 民十二年修改稅則 本草原始 本草經疏 劉禹錫嘉言錄 白樂天集 本經疏證 本草圖經 臨海異物志 小草齋記 西藥大成 閩小記 山谷詩話 梵書 爾雅翼 陸璣詩疏 湘山野錄 遜齋開覽 海物異物記 稻含草木狀 博物志 榕村集 五燈會元 學圃雜疏 蘭譜 樵書南州異物志 嶺南衛生錄 山海經 海族志 三山志 閩中海錯疏 泉南雜志 越絕書 物類相感志 埤雅 嶺南錄異 閩部疏施可齋閩雜記

同安縣志

卷之首

十一

榕城隨筆 西藥略釋 述異記 本經疏證 道南源委 王遵嚴集 許族譜 郭族譜 林家乘 林見素文集 陳家乘 清源文獻 紫峯文集 林次崖文集 李鹿巢文集 溫陵詩紀 晃巖集 河干集 遜菴集 何鏡山集 樓霞藏稿 景壁集 再徵集 王十朋詩集 洪侍郎詩文稿 明遺民錄 異人集 海紀 東平紀錄 南疆釋史 交行摘錄 荆駝逸史 永歷紀事 紀許國南行草 石青遺稿 滄海瑣錄 留菴文集 宦海伏波記 東征集 池上草堂筆記 清文匯 松溪文獻 亦雅室詩鈔 亦佳室文鈔 誦清堂文集 全閩詩傳 鹿洲文集 甌北集 郭尚先筆記 傅錦泉文集 李長庚詩集 葉晴峯詩集 高晉集 嘉禾文獻考 竹畦文鈔 獻雲文鈔 涪洲見聞錄 林登州集 亦園脞牘 什竹詩草 怡園詩草 曉暎詩草 穎川文集 榕軒詩草 翠雲小舍詩草 冠梅堂詩集 藤花館詩集 曾鄒叟詩集 李芋仙筆記 實甫詩集 曾仲明詩集 小蘭雪堂詩集 內自訟齋 烏噫集 叢書堂文集 唐書藝文志 清漳雜記 千雲齋集 晁氏郡齋讀書後志 龍峯近咏 寧我堂集 生芝堂詩集 黃石齋文集

結埼亭集 續閩書 林震詩話 森淵類鈔 國朝先正事略 春秋大事表 黃金宰金壺浪墨 崇明志 新羅志 彰化志 丁雁水問山集 紀南書 淵龍堂集 石青尺牘 浩然小草

同安縣志

卷之首

引用書目

十二

凡例

一全省縣志通用凡例分三十八門茲悉遵用以昭畫一  
一各門皆重新考證凡舊志所有者必注明其出於何書有宜詳者詳之有宜刪者刪之其舊志未備者一經探入亦必旁註書目以期傳信其無書目可註者書明探訪何人以別之

一舊志中缺者補之誤者正之不敢沿訛襲謬因陋就簡如奉朝齋沈光文鄭得瀟皆明備而列於清蔡榮龍官階武略卓有可觀而考證未確虛若臆氣節文章一時無兩而列於循績薛沙陳黼應入文苑而詳於外紀似未確切今補正之

一舊志星野以本邑為牛女之墟按文獻通考牛女星宿分野至十二省廣漠無垠未免模糊影響茲從省州志目例以新式測量按准度數繪圖貼說較為確鑿何人測候概著姓名

一縣屬原轄十二里茲因金門廈門劃分為縣所有舊志諸山川名勝屬金廈者概行刪卻第人物賦稅在疆域未改革以前無可繫屬故書中紀載仍不厭求詳如科名選舉籍貫本屬同安即其例也

同安縣志

卷之首

凡例

十三

一舊志詳征摭今悉採入大事記廟宇寺觀巖潭泉石坊表第宅家墓今悉列入名勝概遵通用凡例以省志目

一通用凡例中之未盡善者如驛站附於城池雖曰以類相從似未盡合此項今已不適用且舊法用以投遞文書編入交通作為考證郵局沿革之用似覺妥當其交通門若同美車路同梁車路電報郵政各路線概用新式繪圖以清眉目

一物產近今種類較前尤夥舊志或一物重出或分類不清實不無難者重複之處本書特分別狀態詳列功用合中西研究物理諸法而會其通俾閱者一目了然

一凡學宮祠宇城池橋道書院義塚或修或創必詳其年月姓名概入建築志以為急公好義者勸

一戶口舊制調查不確難作實據再行調查殊費手續今僅據拾舊聞而已將來政無不舉必有確定之人民冊籍拭目俟之  
一警察刑法武備實業交通外交各志目概邑舊志所無若思明州人物及墾荒華僑等又省凡例所無書中凡通行凡例所有者皆遵例考證原委其凡例所無者亦悉補入因有特別事實不得不爾

一通行凡例中如武功概入列傳與史漢史例及宋濂三史均合自應遵用較為完善惟志書體例從寬與正史有別考王軒山西通志於人物僅仿類錄之體并不依列傳之例則舊志之類列武功不為無見况同安為武功最盛之區見於道光朝諭旨固邑乘之光也茲仍列武功錄一門以便依類考證

一朱成功開府思明垂三十餘年明諸遺老多從之舊志列諸寓賢於例未合然舍寓賢外又無其他志目可以附屬茲特仿會稽典錄之例別為思明州人物類錄以明之

一本邑人物從朱成功渡臺者實繁有徒或主持政體或專任武略或開墾疆域苦心孤詣志節自不可掩有志目可附者概附各志目其無志目可附者悉列入墾荒而各華僑之在外建設悉採入焉

一錄以存人也準於史當為傳惟傳者釋經之名史家用之以與本紀相附志既非史而文復雜采古今為例不純自當仿趙岐虞預撰錄之例較合

一凡與舊志有異同者皆加參字以別之

一舊志修至嘉慶三年屆今閱百餘年之久文殘獻闕在所不免此次通行凡例志

同安縣志

卷之首

凡例

十四

目加詳雖續修實與創修無異即竭力蒐羅慮不免遺珠之憾尙期 博洽大雅 兼採探輯俟後重修再行登載


一藝文非有關於地方風俗者不錄

一人生詩文不錄

一戶口舊制調查不確難作實據再行調查殊費手續今僅據拾舊聞而已將來政無不舉必有確定之人民冊籍拭目俟之  
一警察刑法武備實業交通外交各志目概邑舊志所無若思明州人物及墾荒華僑等又省凡例所無書中凡通行凡例所有者皆遵例考證原委其凡例所無者亦悉補入因有特別事實不得不爾



同安縣方括圖



# 同安縣城圖

比例尺二萬四千分之一




同安縣志編修委員會 中華民國二十六年十二月

同安縣志編修委員會





同安縣公署平面全圖



縣公署今制樓

中華民國十七年二月測繪者林向榮

一之分百六尺例比





同安縣志卷之一

疆域沿革

志書以疆域為先有事以其為土地人民政事所從出也疆域不明則沿革不得而知沿革不得而知則人物政俗不得而察故無論何省府州縣諸志開章必詳明疆域圖表意有在也同邑僻處海濱自漢以來視為重地武帝置上柱國以防粵當時未有同安之名也晉唐迄宋代有變革至明而紅夷倭寇屢見侵患海疆要地遂為國家防禦之所必周清康熙雍正年代臺灣歸入版圖邑尤為兵事策應之區至民國復創廈門為思明縣折金門為金門縣一邑而三分其地清以前所未有也然疆域既有變更自當詳列以資考證志疆域沿革

唐虞夏商 昔揚州地

周 七閩地

秦 越王地 閩中郡

漢 治縣之南部建安初為侯官縣地三國時為東安縣地建安郡

晉 太康三年置同安縣尋改晉安郡

同安縣志 卷之一

疆域沿革

宋 晉平郡地

齊 晉安縣地

梁 南安縣地

陳 南安縣地

隋 南安縣地

唐 貞元十九年析南安西南四鄉為大同場即今同安縣地

五代 同安縣南唐大成四年王延鈞僭稱帝升大同場為同安縣同安之建始此

宋 同安縣

元 同安縣

明 同安縣

清 同安縣

民國元年 同安縣

民國二年十一月析廈門嘉禾里為思明縣

按廈門明為中左所順治十一年鄭成功據廈門分水陸兵為七十二鎮改中左

所為思明州思明之改縣本此

民國三年析同安翔風浯里為金門縣

按金門壤地褊小不足以建縣非若廈門地雖偏為商務輻輳之區儼然成一大都會也第其地孤懸海外為泉郡之下臂亦海濱要地也以後周麟敦仁萬戶置郡千戶置邑之說考之別為簡縣於制尚合

據職方典云閩故越地秦始皇并天下平百粵置閩中郡漢高祖與越王勾踐之後曰無諸者從諸侯滅秦又佐漢滅楚高祖封為閩越王後閩越王郢鄂弟餘善皆以叛誅死漢以閩越地數反覆遷其民江淮間慮其地民不從遷者聚為治縣為東南二部都尉泉地屬南郡建安初以南部置侯官建安等五縣泉為侯官縣地

漢後主吳永安三年析侯官縣置建安郡領東安諸縣九同安即東安縣而屬於建安郡晉太康三年析建安郡置晉安郡即今福州泉地屬晉安是年析晉安地置同安縣同安之名始此尋省同安復入晉安南宋泰始四年改晉安郡為晉平郡梁天監中析晉平郡置南安郡地兼興泉漳而同安亦屬焉陳永定初升晉平郡為閩州領建安南安二郡隋光大元年改閩州為豐州隋開皇九年改豐州

同安縣志 卷之一

疆域沿革

二

為泉州而南安屬焉唐武德五年析南安縣置豐州貞觀元年省豐州而以南安屬泉州即福州也嗣聖間析置武榮州聖曆二年省久觀元年復置慶雲二年改舊泉州為閩州以武榮州為泉州屬閩州都督府即今之泉州也貞元十九年析南安縣之西南四鄉置大同場為今同安之地馬端臨文獻通考云閩王氏置同安清溪永存德化長泰五縣南唐為清源軍節度是南唐仍以同安列為縣也宋太平興國三年陳洪進納十計漳泉十四縣六年置惠安屬福建路領縣七同安在其列注云有東西溪是確為今之同安縣矣元至正十五年升泉州為泉州路總管府領縣七同安屬焉明洪武元年以同安縣屬泉州府而總領於福建布政使司清仍其舊至民國二三年之間復析廈為思明縣金門為金門縣此同安疆域沿革之大略也

按嘉慶二年吳堂續修同安縣志肇始周秦蓋以三代而上荒遠難稽考諸福建省志泉州府志亦皆始於周秦不知自唐虞以來同安地確為揚州城今以羣經衆解證之黃文叔云揚南界表海地窮漲海凡閩顯交廣皆是堯典宅南交索隱以為確指交趾而晉竹太康地理志云交趾本屬揚州即虞之南極也考揚州海